



Wustawki

wo zarunanju wudawkow čestnohamtsce skutkowacych člonow Worklečanskeje dobrowólneje wohnjoweje wobory

(wohnjowoborne wustawki wo zarunanju wudawkow)

Na zakładže §§ 4 a 21 gmejnskeho porjada Swobodneho stata Sakskeje (SächsGemO), § 63 wotr. 1 Sakskeho zakonja wo wohnjoškiće, wuchowanskej službje a katastrofowym škiće (SächsBRKG) a postajenja Sakskeho nutřkowneho statneho ministerstwa wo wohnjowych woborach a kontroli k zadžěwanju wohenjow w Swobodnym staće Sakska (Sakske postajenje wo wohnjowych woborach – SächsFwVO), we wotpowědnych plaćiwych wersijach, je Worklečanska gmejnska rada z wobzamknjenjom č. 36-12/2025 dnja 03.12.2025 slědowace wustawki wobzamknyła:

§ 1 – daleplaćenje mzdy

Čestnohamtsce skutkowacy člonojo wohnjoweje wobory maja po § 62 wotr. 1 SächsBRKG prawo na daleplaćenje mzdy z přistajenja abo zastojnstwa inkluziwnje wšěch přiražkow za čas zasadženja, zwučowanjow kaž tež wu- a dalekubłanjow, kotruž bychu bjez wobdžělenja na wohnjowobornej službje dóstali. K tomu slušeja tež kóšty z daleplaćenja mzdy w padže chorošće, kotraž by so po zakonskich předpisach při na zakładže wohnjowoborneje služby zawinowanej džěłanjekmanosći dale plaćila. Priwatnemu džěłodawarjej so po sadže 1 nastawaca suma na próstwu zaruna. Wysokosc mzdowego wupada ma so wěrjomnje doklasć.

§ 2 – narunanje mzdowego wupada

Prawo na zarunanje mzdowego wupada za čestnohamtskich člonow wohnjoweje wobory, kotřiž njejsu džělopřijimarjo, zložuje so na § 62 wotr. 2 SächsBRKG hromadže z § 14 SächsFwVO. Zarunanska suma wučinja na hodžinu maksimalnje 42,00 €. Na dzeń wobkedžbuj so maksimalnje 10 hodžinow. Započate hodžiny wobliča so jako cyłe hodžiny. Wysokosc mzdowego wupada ma so wěrjomnje doklasć.

§ 3 – zarunanje za člonow z funkciju

- (1) Slědowace zarunanja płaća so jako měsačna pawšala:
- | | |
|---|-------------|
| nawoda gmejnskeje wobory | 50,00 eurow |
| zastupowacy nawoda gmejnskeje wobory | 25,00 eurow |
| nawoda wjesneje wobory | 25,00 eurow |
| zastupowacy nawoda wjesneje wobory | 10,00 eurow |
| zamołwity za młodžinsku wohnjowu woboru | 25,00 eurow |
| zastupowacy zamołwity za młodžinsku wohnjowu woboru | 10,00 eurow |
- (2) Wupłaćenje zarunanjow po wotr.1 přewjedže so kóždy poł lěta ke kóncej poollěta.
- (3) Přewozmjeli zastupnik nadawki w połnym wobjimje, dóstanje wot třěćeho dnja zastupowanja za čas zastupowanja zarunanje w samsnej wysokosći kaž nawoda gmejnskeje abo wjesneje wobory. Při tym přiliči so zarunanje za zastupnistwo.

§ 4 – wotpadnjenje zarunanja wudawkow

- (1) Prawo na zarunanje wudawkow po § 3 spadnje
1. kónc toho měsaca, w kotrymž woteńdže tón, kiž ma prawo na zarunanje, z čestneho zastojnstwa, abo
 2. hdyž tón, kiž ma prawo na zarunanje, čestne zastojnstwo dlěje hač tři měsacy njewukonja, za čas, kotryž tři měsacy překroči.
- (2) Zamołwja-li tón, kiž ma prawo na zarunanje, přičinu za njewukonjenje čestneho zastojnstwa sam, spadnje prawo na zarunanje wudawkow, ručež so čestne zastojnstwo wjace njewukonja.

§ 5 – jězbne wudawki

Jězbne wudawki za službne jězby w ramiku skutkowanja za wohnjowu woboru resp. službne jězby, kotrež su za přewjedženje wu- a dalekubłanjow trěbne, zarunaja so přez wotpowědne nałożowanje Sakskeho zakona wo jězbnym wudawkach (SächsRKG) kaž tež k tomu wozjewjenym postajenjam a zarjadniskim předpisam we wotpowědnych płaćiwych wersijach.

§ 6 – nabyće płaćiwosće

Tute wustawki nabudu 01.01.2026 płaćiwosć. Runočasnje zhubja wustawki wo zarunanju wudawkow člonow z funkciju wohnjoweje wobory Worklečanskeje gmejny z dnja 21.07.2006 a změna wustawkow z dnja 04.03.2011 swoju płaćiwosć.

Worklecy, dnja 04.12.2025

Clemens Poldrack
wjesnjanosta

- pječat -

Pokazka na časy za přizjewjenje zranjenjow procedury a formy:

Po § 4 wotr. 4 sada 1 SächsGemO plaća wustawki, při kotrychž nastaću su so předpisy wo procedurje a formje zranili, lěto po jich wozjewjenju jako wot spočatka sem plaćiwe. To njeplaći,

- 1. jeli njejsu so wustawki wustajili abo jeli su so wopak wustajili;*
- 2. jeli su so předpisy wo zjawnosći posedženja, schwalenju abo wozjewjenju wustawkow zranili;*
- 3. jeli je wjesnjanosta wobzamknjenju po § 52 wotr. 2 SächsGemO njezakonskosće dla znapřećiwił;*
- 4. jeli*
 - a) je so prawnistkodohladowanski zarjad do kónca w sadže 1 mjenowaneje doby na wobzamknjenju postorkował abo jeli*
 - b) bu gmejna do kónca w sadže 1 mjenowaneje doby pisomnje na zranjenje předpisow wo procedurje a formje skedźbnjena, inkluziwnje pomjenowanja wobstejnosćow, kotrež maja zranjenje wopodstatnić.*

Je-li so na zranjenje po sadže 2 č. 2 abo 3 skedźbniło, móže tež po kóncu w sadže 1 mjenowaneje doby kóždy na tute zranjenje skedźbnić. Sady 1 do 3 so jenož nałožuja, jeli je so při wozjewjenju wustawkow na formalne předpisy a jich prawniske konsekwency pokazało.

Tuta pokazka je so z tym podała.

wustajene: Worklecy, dnja 04.12.2025

Clemens Poldrack
wjesnjanosta

- pječat -